

晚

晴

移

詩

匯

晚晴簃詩匯卷一百十三目錄

趙文楷

六首

姚學塽

九首

邵葆祺

十四首

趙慎畛

一首

黎世序

四首

嚴烜

十六首

洪飴孫

八首

吳河光

一首

陳燮

五首

侯雲松

三首

葉燕

五首

張廷濟

八首

陳鱣

二首

蔣湘城

二首

龔受穀

一首

漆璘

二首

顧廷綸

三首

吳榮光

十首

錢寶甫

一首

宋其沅

二首

花杰

四首

方應綸

二首

蔡鑾揚 八首

宋湘 九首

何南鈺 一首

劉台斗 二首

張澍 二首

陳斌 十首

沈士焄 一首

莫與儔 三首

羅世材 一首

晚晴謠詩匯卷一百十三

徐世昌

趙文楷字逸書號介山太湖人嘉慶丙辰一甲一名進士授修撰歷官山西雁平道有石柏山房詩存

詩話介山嘗充琉球冊封使者其國致餽堅卻不受敬其廉潔特爲立祠集中有槎上存橐皆奉使時所爲詩也

夜宿田家

月出一丈高眾星垂纂纂驅車問田舍徑窄蒼耳滿犬吠松溪寒花繁竹籬短田父知客來傾壺春釀暝自言久不雨苗長欲生稈縣吏正催科追呼不得緩我今苦行邁何時遂疎散亦知塵土容不入煙霞伴夜半鄰雞鳴神清夢魂斷天明登前途露下衣如澣

宣城五日

獨倚危樓望眼醒  
輕寒微雨晝沈冥  
一春花事愁中盡  
五月鶻聲夢裏聽  
南浦離離芳草綠  
西山漠漠曉峯青  
他鄉五度蒲觴節  
自笑年來逐浪萍

漢陽

江流東注大軍山  
漢上孤城扼楚關  
三國舊愁春浪碧  
千年遺壘夕陽殷  
樵歌收唱劉琦墓  
沙鳥風帆魯肅灣  
我欲招魂憑楚些  
夜深疑有鬼雄還

五月十一日見姑米山

三日天風便遙看  
姑米山五峯排水面  
一綫出雲間  
遠目真空闊  
狂濤若等閒  
舟人齊舉首  
驚喜破愁顏

過那霸人家

編蒲席地竹簾櫳六扇屏開面面風一種清香消不得佛  
桑圍在蠟牆中

游辨嶽

在崎山西南

平生恨不陟崑崙豈料扶桑看曉暎山鬼一祠秋祭祀海  
天五阜漢屏藩蓬瀛樓閣言皆幻泰華兒孫勢亦尊三百  
年來餘戰壘鼎分遺跡竟何存

姚學埭字晉堂一字鏡塘歸安人嘉慶丙辰進士授內  
閣中書厯官兵部郎中有竹素齋詩集

詩話鏡塘賦梅子詩云臭味偏於吾輩近風懷莫遺  
女郎知謝人送菜云但使斯民無此色願教我輩味  
其根送閔貢甫之揚州云養志未須嫌祿薄讀書大  
好是官閒皆爲時人所傳誦然其五言格律清穩矩  
矱唐人實勝他體

九日登盛林山

孤阜試登攀  
陰晴指顧間  
歸雲仍帶雨  
斜日忽銜山  
風物重陽好  
浮生幾日閒  
明年望鄉處  
落葉滿燕關

沅州對月懷都門故人

秋色滿芳草  
蟲聲生暮寒  
沅江一片月  
燕市幾人看  
憶昔同清賞  
銜杯每夜闌  
西風知我意  
吹夢到長安

曉發施秉

鄰雞呼客起  
屋角月尙好  
驚鵲翻風林  
寒蛩泣露草  
子役有程期  
戒途不辭早  
出郭轉清曠  
雲山澹秋曉  
宿霧迷深林  
颯颯疑風雨  
朝曦射重岡  
歷歷見邨塢  
小邑石爲田  
念此農民苦  
所欣俗淳朴  
蕭然似太古

重題飛雲巖

雲飛自何處  
高壓此林端  
石氣青天溼  
泉聲白日寒  
直穿

危磴上卻立小亭看遠役茲游最行行重倚欄

小重陽日作

忽忽度重九蕭然仍掩扉林風驚宿雨雲日漏朝暉愁積  
慵開卷寒深感授衣趁時築場圃鄉國歲頻饑

秋夜對月

旅思畏秋深幽懷便夜靜挂空得佳月照此無塵境露草  
浮寒光風林簸疎影一聲煙外鐘坐覺衣裳冷

送費芷卿上舍南歸

秋雨夜來晴秋風落葉聲故人從此去何日到菰城小市  
青山繞高堂白髮生閒居有真樂底事羨浮名

立秋前一日作

卧聞急雨聲起視翻知誤西顙有先驅回颿入庭樹豈不



愛微涼所懼歲將暮看山秋更佳誰踏江亭路

邵葆祺字壽民號嶼春大興人嘉慶丙辰進士歷官吏

部員外郎有橋東詩草

陶鳧香曰壽民與張船山太守友善船山題其詩集比之長爪郎玉川子又曰我愛君詩無管束忽然兒女忽風雲今觀其詩雅令妥帖斤斤矩矱不甚鞭驅險句也先世居浙之餘姚二雲學士爲其叔父行嘗受業門下蓋得指授云

詩話壽民詩派近於簡齋船山而格律較謹集中多紀事之作已未書事詠和相獲罪事甚詳已巳書事則爲侍郎廣興作詠史一律於宋文正亦有微詞文正相業未可輕議此詩於門牆附麗者頗致箴砭蓋當時輿論如此

歌場

歌場冷落舊朱門適景園西暮靄昏忍聽琵琶重下淚劉琨家伎屬桓溫

羽林早引孤兒隊戟府新傳異姓王見說梨園舊子弟舞  
裙歌袂又飛揚

己未正月十八日書事

一掃雲霾迹青陽氣萬重炎威初寂滅天罰尙寬容猶勝  
然臍敗爭看繫頸從宏羊烹此日會待寢邊烽

詔獄綸扉去驚傳赤棒呼聞收大丞相如縛一庸奴北寺  
通侯泣西曹法吏趨卻留吟句在解歎月輪孤

彷彿黃頭餓隨身無一簪苦依幽室冷愁戀畫堂深七尺  
珊瑚樹干叢珠玉林粉侯仍賜宅故第不堪尋

複壁金難揜重帷玉亦殘生塋石翁仲死斂白衣冠抄豈  
同瓜蔓喪惟剩柳棺淒涼蕭寺裏鬼火不禁寒

二十年如夢臨期酒一尊錢神空號癡債帥幾蒙恩因果

驚狂衲闍羅恫佞魂九原逢介弟相向更何言

未亡應亦族僥倖武安侯專閫靴刀誤分茅帶礪優恩原  
推肺腑功詎出兜鍪末羯材尤下隨人作楚囚

投匭紛如許螭坳儼多衣宮中三篋滿檻外一鐙微此日  
簡章密當年封事稀曹唐已仙去身後有光輝

已奮雷霆擊仍寬雨露施泣聞哀痛詔喜望太平時印綬  
諸王領旌旄大將爲好承初化意四野問瘡痍

詠史

高閣深源事竟然漫誇夷甫不言錢名歸青史憐他日望  
重蒼生憶往年入水牯牛空戀佛舐丹雞犬易登仙儒林  
聲氣禪林味祇爲人才惜此賢

繡衣行

金鑰倉琅瓊殿曉紅鐙影暗宮鴉繞繡衣御史鳴珂來卻  
望殘星首重回君不見豸冠風骨何清顯驄馬人人學桓  
典不惜隄靡磨半九或被恩膏進一官深宵競聽蘭臺鼓  
諫草紛紜筆花舞數十萬言賈長沙一百八疏任伯雨尙  
衣老監步婆娑手捧封面看曉河昨夜液池新雨過官蛙  
取鬧十分多

### 南山行

征人盡著錦衣歸獨竄南山夜合圍憶昔挽弓入營伍爭  
誇有力雄如虎周泰全身刀劍瘢陳安丈八蛇矛舞姓名  
在鄉不在官將軍召募隨登壇論功每隸天兵後殺賊居  
前常死鬪惜哉百戰梨花槍驅馳關隴勢莫當生本求官  
乃作賊故里無家歸不得歸不得可奈何頭顱崛強刀光

磨昨夜官營千騎發哀笳吹墮空山月總戎仍是霍嫖姚  
猶認當年部下卒

己巳正月十二日紀事

縱理銅山相竟真一簪今日不隨身死教赤棒先笞鬼生  
作蒼鷹亂擊人鉅萬囊中空掩歛無雙花底太橫陳十年  
田寶談因果東市朝衣又斬新

趙慎畛字遵路號邃樓又號蓼生武陵人嘉慶丙辰進  
士改庶吉士授編修官至雲貴總督贈太子少保謚

文恪

詩話文恪幼孤敦敏異凡童事母至孝既通顯刻苦  
如寒素顏其室曰省儉每日言行夜必記之陟歷封  
圻以廉靜爲政少受教於舅  
氏王春埜明經詩亦數其體

題孫平叔中丞婆娑洋集

赤嵌帆律東瀛東金甌圖版恢鴻濛橫海使者令肅風詔  
整六師修我戎梁溪中丞今夔龍用作霖雨舟楫功飛符  
秉節開濛朧鉞經直指鯤鹿蹤筆籌寰海鏡照空元精炯  
炯星羅胸高張牙纛尊威容談笑可卻千羆熊荷蘭舊徼  
南北通久披障翳疏覲髮來往程甫三月中峭帆瞥爾輕  
於鴻綱維經緯勞恩恩餘事猶復裁詩筒瑰瑋俶詭摘揆  
工光燭海日搏桑紅攬勝蒐奇誰爲同毋乃踵繼玉局翁  
歸裝一帙攜示儂如聆仙樂耳忽聰周迴曠若昭發蒙滄  
溟歷歷收雙瞳嗟我猶扶麻中蓬閩疆附驥疲駑從何術  
調御蜃幻虹官箴民俗省厥躬讀君新詩鏗洪鐘匪等小  
技矜雕蟲藹如仁言德符充海熟番荒生計崇睢盱誰憐  
窮髮窮花鬢麻達罔不恫同心善始而一終他山還借玉

以攻此行此詩嘉惠隆武庫豈僅軍威雄應須刻石垂蒼  
穹穆如作誦山甫庸

黎世序原名承惠字湛溪羅山人嘉慶丙辰進士官至  
南河總督謚襄勤

赴淮海道任留別鎮江士紳

梅華驛路送征驂詩思離情兩不堪宦迹幾曾經海畔花  
時何忍別江南生徒染翰邀人住父老持觴勸客酣一種  
消魂南浦意江淹作賦未曾諳

虎符催赴海東隅疏淪甯須一腐儒治水無才師伯禹揚  
塵何處問麻姑徭徠掾吏應鴻雁卜築衙齋指荻蘆回首  
江南春正好綠楊紅杏雨如酥

新開學舍枕江干白袷青衿玉珮珊問字我慚一日長研

經君耐九秋寒南徐文物推人藪北固江聲走筆瀾一語  
臨歧須記取科名容易立身難

羣山壁立水安流風俗敦龐愛潤州比戶詩書研午夜萬  
家機杼織新秋煙花不染維揚習金粉終爲白下羞此去  
清河三百里歲民無恙有傳郵

嚴烺字存吾號匡山宜良人嘉慶丙辰進士改庶吉士

授主事歷官甘肅布政使有紅茗山房詩存

詩話匡山律詩勝於古詩七律勝於五律要皆涉筆  
成吟不事雕鑽蓋以道性情固異於刻意求工也其  
出韻詩有云四載春光依禁輦一  
生清夢在秋山爲當時所傳誦

花貢驛

茅屋亂山下重關古道中霧銷巖骨黑霜老石衣紅小醉  
探鄉夢閒吟記土風夜深寒犬吠飛雪撲簾櫳



重陽前一日訪劉春帆潞河節署

乘風呼小艇倚棹過前塘之子清標遠蒹葭秋水長人煙  
浮落日詩思逼重陽愛爾披帷處青藜夜有光

送春帆之潞河兼呈吳昧堂師

千家朝旭淨江樓萬派濤聲起渡頭遲我鄉心瓜蔓水送  
君詩興木蘭舟三更銀漢碧雲冷幾夜梧桐涼雨秋遙憶  
陶公樽酒處蟹香菰美戀通州

七夕

天上相思不可知如何今夕是佳期雙星豈合生惆悵終  
古何曾見別離銀漢正沈爲客夜金釵初墜倚樓時燒殘  
紅燭愁無那漸聽烏聲繞樹枝

出都

風塵銷盡舊朱顏書劍飄然又出關  
四載春光依禁輦一生清夢在秋山  
高寒近戀瓊樓上鼓吹遙聞澤草間  
此去曼陀應笑我山人猶是白衣還

留別萬二芝軒

卽官湖上暫停車樽酒從君萬里餘  
此去且聽衡嶽雨相思莫寄武昌魚  
煙深橘柚人家遠月落梧桐水驛疎  
回首可憐歌舞地杜隔江黃鶴渺愁予

巴陵舟中望岳陽樓

片帆三日到巴陵風利高樓泊未能  
此地久經遷客去何年還共酒人登  
眼浮虛白橫千里雲捲空青上幾層  
欲向洞庭吹短笛神仙何處恐無膺

晚至青溪縣

日知錄卷一 下 十三  
林木蕭蕭風正催斗城晚景亦佳哉鳥銜落日歸山去馬  
踏飛雲過水來地迴漸虞黔道險天清遙識瘴煙開五溪  
行到源頭處萬里關河首重回

黔陽道中

匹馬登山七月寒曉風吹雨過雕鞍十圍樹白雲中出一  
線天從甕裏看樂歲酒漿含潤澤太平獠獠盡衣冠前驅  
自有當關吏未覺炎荒道路難

安平縣

夜郎西上鬱崔嵬複嶺連岡秋色開雁背黃雲穿絮去馬  
頭白雨跳珠來入山便覺蘆笙韻歸路渾忘畫角哀指點  
疎林茅舍好邊城月出且徘徊

寄王儕嶠太史

高張夢裏說相思別後知君到玉墀此去好稱牛馬走憑  
誰敢奪鳳凰池何緣骨相人多怪畢竟文章世早知羨煞  
書聲最清處夜深仙月上桐枝

信陽道中呈初頤園光祿

朝傍青山行暮傍青山宿青山三百重處處結茅屋茅屋  
高低倚澗泉竹陰深處落秋煙山靈鎮日作雲雨欲雨不  
雨空青蓮青蓮花在峯頂上霧鬢雲鬟齊相向老猿號樹  
蒼隼飛木葉紛紛盡飄颻一山中間一重溪山形曲曲水  
泚泚使君車馳如風雨追君直過夕陽西候吏髿髿擊鼉  
鼓日邊雙節自飛舞輜軒到處萬人觀題詩特爲紀風土  
我生三十好說山家住昆明大華間丹嶂久別不歸去逢  
山便覺開心顏心顏開兮在行路萬壑千巖爲君賦昔年

曾食武昌魚今日重指漢陽樹雲樹深深客思浮漢陽城  
下大江流大江萬里流不盡日日看山江上樓

彝陵城用歐陽公黃溪渡韻

猿嘯三峽巴江水日夕靈潮往復迴蜀道如天猶可上秦  
灰厯劫未須哀黃陵有客探山勝絳雪何人共酒杯望望  
金沙家萬里翻憐子自發源來

施南

青霄縹緲青峯頂絕磴懸梯步雲冷畏路偏驚歲月心參  
天亂落梗枻影此地傳聞古夜郎夔州西上是華陽可憐  
繞郭青江水問月無人倚大荒

地有太白問  
月亭故址

冬夜偕陳惇五陳順之自壩山抵寶洪寺宿蘿月菴  
禪榻聊探夢僧傳不落杯山泉澆苦茗鑪火撥寒灰蘿月

無今古溪雲自去來只疑星斗近開戶幾徘徊

九日邀同人小集陶然亭

有約尋詩一騎催新晴天氣絕塵埃疎花自向風中亂冷  
節偏宜雨後來野水蒼葭明鷺鷥夕陽衰草上樓臺諸公  
鼎鼎年華盛更勸茱萸酒一杯

洪飴孫字孟慈又字祐甫陽湖人嘉慶戊午舉人官東

湖知縣有青埕山人詩集

詩話孟慈爲北江太史子幼承庭訓窮極經史其詩  
導源陶謝卓然自成一家集中山水行役諸作尤擅  
其勝論者比諸  
過邁之於東坡

早發馬底驛至辰陽縣

磴危周千盤石險露百狀百轉山徑間谿流愈平放峯尖  
稜稜石紋起一抹山痕全作紫郵亭十里曉霧多村屋高

低亂雲裏秋林蒼茫曙光溼絕頂一峯銜日出沿谿藻影  
漾曉華驚起游魚爭欲匿水流百折波自通泉石蕩漾浮  
雲空此間作縣亦清絕山色繞北谿流東參差高原踏晨  
露馬戀山光亦回顧野人短褐上山樵卻立雲峯最高處  
清鎮道中

空林昨夜春雨霏驚起百道山泉飛幽禽時啄碧蘚肥石  
屋春冷行人希筍輿上下折不休山翠頻轉頻回頭一山  
轉出花滿洲花色大放風前眸嫣紅姹紫紛相映倒影谿  
光靜如鏡竹鳴雲林轉不窮冷香薄霧吹無定花前山色  
軒晴午花裏山亭俯寒渚灑空新綠鳥嘯聲有客閒來課  
鸚鵡

湖山謁桓簡公祠

祀晉內史桓彝

內史勲名恨未終  
荒祠閒訪賞谿東  
封疆獨際艱難日  
俎豆猶思捍禦功  
再世公卿慙長吏  
百年忠義惜家風  
枋頭蘭石兵俱敗  
書法陽秋自不同

雲海謠贈鄭生德徽

名山變幻不可知  
飛雲作海何恢奇  
淋漓元氣來無時候  
忽波浪紛交馳  
霞光融融動晨曦  
萬頃旋見堆琉璃  
此時羣仙笑且嬉  
手弄雲水相追隨  
蓮華峯頭望陸離  
如坐翠艇游天池  
仙僧行腳經年載  
爲我明明說眞宰  
五更天風變崔嵬  
獨坐雲門看揮灑  
前峯後峯蕩晴采  
似雲非雲海非海  
煙鬟螺髻須臾改  
一氣冥濛捲塊壘  
蓮蘂松林二峯名  
盡蓓蕾  
共入煙雲化蒼漭  
下視奔騰動堪駭  
天都翠微參碧穹  
靈氣上與層霄通  
陰晴朝夕各不同  
如啟橐籥開元



宮初見谷口雲滃滃忽覺天半波洶洶三十六朵青芙蓉  
動影出入蒼濤中翠嶂都覺浮虛空天日無際搏桑紅浮  
邱生與容成公跨鯉遊戲乘仙風下界時響泠泠鐘到眼  
浩蕩開心胸豈有旋轉推鴻濛造化幻影知無窮風聲水  
聲去何疾雲兮海兮轉無迹皎皎羲輪照奇石依舊諸峯  
挺寒碧我爲雲海謠欲作雲海樵黃山山頭暮復朝日餐  
沆瀣居雲巢雲爲醴兮星爲瓢吐納清氣如靈潮芝膏尤  
餌手自調俯棄塵世同鴻毛列眞一旦抗手招爲駕采鹿  
驅仙輶東溯溟渤西神皋瞬息千里何飄搖空中雅奏鳴  
天韶可以狎視煙海窮雲霄喜君卻住黃山劫逸氣欲與  
山爭高通眉秀骨森清標愛客爲我披蓬茅君詩君筆亦  
復超我歌我謠庶勿嘲君不見山南陰陰雜檀栢我有先

人白雲舍鶴背從君儻同跨遙指橫雲古峯下

自洪坑至岑山渡道中

一碧漸江水眾壑含虛明岑山峙中流力與驚濤爭孤峯  
蕩迴颿萬綠吹冥冥喚渡人偶來鑒影毫髮清風聲與水  
聲湧洞益可聽三兩蓮葉舟漁網挂晚晴我家距岑山五  
里雲坡平時餐漸江水仰止岑山行古岸倚絕壁踏歌行  
客情清夢有時去醉月吹瑤笙何時理釣蓑來與江鷗盟

朱蘭坡宮允雪夜紉兒圖

茅檐三尺喧悲風牀頭蟻鬪聲洶洶此時兒哢不應待孤  
紉夜走深山中啟明閃影天將白藥鼎茶鐺果誰責此時  
兒醒不容哢牽紉晨返寒谿側兒生百日父卽危對兒惟  
有雙淚垂朝來暮去冒風雪熒熒兩地恆相隨風饗雪虐

兒號急宿鳥翻飛和悲泣劬勞當日誰則同此意應參蓼  
莪什憶昔屢游黃堯峯貞珉彤管傳慈容德門一過一矜  
式謂有畸人賢母之高蹤小人有母未傳德四十無成老  
將及披圖未竟已吞聲筆不能持但嗟息我前老屋居江  
湄危樓一間半欲敝樓前机隄安一梯樓下積雨常如池  
斷椽壞木縱橫支臨深履薄難扶持當時吾母隨重慈井  
竈蔥薤旁無司左攜杯捲右抱兒虞兒轉側嚙以衣偶然  
失足不可思危梯上下行嶮崎齒痕兒淚時相續血印斑  
斑見襟幅至今風木不停鳴我念慈恩抱梯哭羨君史筆  
能酬養母教無須采風上只教驚心擇檄人春暉寸草空  
神往賸有悲懷祇自知北堂茹苦報何遲徒聞膝下通侯  
貴親見深宮繪畫時

入峽書所見

江流欲無險峽勢尙未平峨峨夷陵山遶背西南傾怒石  
指上流力與驚濤爭一折不能禦奮迅催雷霆遂令下吳  
楚所向皆空明我思古直躬抱負每不恆艱貞乃隱者骨  
鯁惟孤臣無論事成否此心皆至誠乾坤萃清氣孕秀歸  
精英鬻拳與正則安知非降靈我欲登茲山曠覽風雲生  
王事動靡盬懷古空斯行沿回挂帆過峽口雲冥冥

萬峯互巴巴巫江勢不得展乾坤騰怒脈水石聲如喘瀾翻  
氣彌盛阪觸流愈轉盤渦方作幻惡浪何由輒自聞春水  
生安行蓋云鮮每逢舳艫下轉瞬分危舛我新拏舟來變  
態今已闌橫波落千丈江山訝會筦尙聞橈人談指示氣  
爲慙寒狄不定鳴驚濤有時卷

吳河光字崑源號星海吳川人嘉慶戊午舉人官江川知縣有海蠡堂詩稿

宿水東驛

閩嶠遄征路正遙  
徂秋落木晚蕭蕭  
渡頭夜火喧漁市  
港口生風報海潮  
自分塵勞應努力  
可能遠別不魂消  
鐙殘酒醒月初落  
此是天涯第一宵

陳燮字理堂泰州人嘉慶戊午舉人官邳州學正有隱園詩集

得官竹軒書並團問山俞樸人韓柳村李南阿詩卻寄

一別煙沙隔鷺朋  
離憂常是觸行滕  
梅花江國風前笛  
酒市金臺雪後鐙  
道遠難憑麟角管  
情深初寄鵠紋綾  
披函

百讀懷人句消盡牀頭酒數升

天遠

天遠鴻無信沙乾草不生寒暄懷舊日飢渴著書情濁酒  
千場醉春鐙一晌明竭來人海外仙釋有時并

說劍

不是袁公術聊從莊叟游齒牙飛古雪肝膽話清秋鳴自  
匣中出言於天外留怪他持寸鐵細碎辨恩讐

老兵

百戰餘生卧草萊戍樓閒聽角聲哀迷離望極平安火慷  
慨歌成阿濫堆至竟封侯無骨相何曾廝養不英才記從  
故李將軍後夜夜山南射虎回

登戲馬臺

衣錦何年戲馬迴，龍嵒怪石擁荒臺。  
重陽風雨思高會，西楚山川出霸才。  
浩蕩秋原看鹿走，蒼茫戰壘見花開。  
阮生一掬英雄淚，廣武吟成迴自哀。

侯雲松字貞友號青甫上元人嘉慶戊午舉人官歙縣訓導有薄游草

梅伯言曰舅氏青甫先生舉於鄉年甚少爲文如山出雲如春在花操筆立就以畫名者四十年僅一應禮部試得教官遂不復出陳雲伯曰青甫詩得江山之助闊而肆婉而多風

三元洞

巉巖恣幽討，蹇步強濟勝。  
得少未云足，因端委必竟。  
懸厓互奇石，勢與山爭橫。  
犖确躋其巔，側足未可併。  
壯哉共賈勇，欲退孰容請。  
靈境奧而曲，蟻穴拓風磴。  
下臨不測江，驚眼眩難定。  
攝衣上傑閣，更極千里興。  
危欄各枝梧，縮手聊

一憑遙看天門山擁髻曉妝靚朝朝畫雙蛾淡抹照明鏡  
我聞溫太真犀焰逼蛟腥至今風濤聲俯瞰那敢聽翻身  
出幽谷偃僂還折磬升高視空闊蕩蕩江天淨捷甯羨猱  
飛閒足悅鳥性逡巡及山半細草襯微徑駐足一回頭險  
絕氣猶屏

寄黎二樵

書來讀罷更銷魂雙袖頻揩淚眼昏怪底經年成闊絕可  
憐垂死幸生存山中著作應千古海內交游孰并論我付  
相思與無忌殷勤重訪百花村

時外甥王惟月  
有粵東之行

十一日招城東小集示觀早春掩關之作次韻

纔可衝泥卽見尋山窗清話又更深攢眉到處曾逃社把  
臂當時已入林竹馬騎來誰駿跛紙鷲飛去各升沈惟應



頭白仍相對三十餘年共此心

葉燕字載之又字再紫號次菴又號白湖慈谿人嘉慶

戊午舉人候選教諭有白湖詩藁

秦小峴曰才甚大無泛濫之習氣甚雄無桀驁之概雖鏤搜抉無斷割之痕清澹淡泊無寒瘦之態詩話白湖嘗言詩本性情如水之生於天忽爲呂梁險激忽爲江漢安流所出者同故能揚湯不竭若出之無本斷港絕流漸至於海必不可得與同時秦小峴論詩頗相契合尤工古文詩爲餘事不斤斤於古人之衣冠面目而有瓊琬玉珮之觀

卽事贈李梧生

承烈

盧蓬廬

雲燦

黃雲橫天海氣裂芭蕉葉墮芙蓉折平林血染猩猩色一夜西風飛紅雪更殘燭盡漏聲咽霜氣撲鐙焰轉碧訓狐嘯簷魑魅泣野魍魎彳亍窺窗隙走投玉川邀長吉茗椀放教倒三百恰唱雄雞天下白

## 二硯窩歌

榮陽老死埋雙硯，蝕盡土花色不變。講堂卜築忽吐奇珍，  
重題名世爭羨淵源近。溯幻江村三絕風流承一線，平生  
結鄰萬石君。虢州割得東坑片，當年西署供酸磨。風霜驅  
作雲霞縵，後來一麾天南陲。猶勝司戶台州竄，簿書無事  
鞭朴閒。千兔飽霜逐飛電，歸攜石叟伴征橈。卧看煙嵐出  
晴案，可憐詞場竟疎闊。百年遠受祝融譴，靈物終須鬼神  
護。留作雲仍香一瓣，蕭條異代復異族。什襲堂中同紀甌，  
何況骨肉一氣通。餘燼拾來歸篋衍，摩挲作歌誌終始。改  
闢新規還舊觀，潤沾亭畔半生澤。光映閣中二老面，半生亭二  
老閣皆高州所築自是伯孫述祖德。豈比彥猷招客玩，我嘗落帆  
造其窩。俯仰拂拭發長歎，人生學業相砥磨。正在接續淒

涼見草生書帶昔葳蕤雲起墨池今華絢榮陽遙矣高州  
邇二硯窩中一以貫

章巉尹秋濠

甫

出示懷弟詩自傷憔悴以儆鄉荒陋

比之東坡僂耳豈所謂詩必窮而後工乎然詩工  
矣儆鄉之寃嘻其甚也因戲拈此贈之

我鄉枕山海物產非一族其民事耕耘雞豚亦家蓄以故  
泣茲土往往鑿口腹使君江南來牛女紀同宿縱少異語  
言甯憂隔嗜慾胡爲懷惠連儼似墮荒服當年兩蘇公萬  
里遭斥逐蜜唧朝畏餐鵲鷗夜聞哭此鄉豈云然詎嘲太  
脫俗從來名士瘦有竹可無肉不然錢神慳終朝煮茗粥  
先生自清癯何可罪邦域詩人好言窮土風宜實錄佳句  
定流傳敝邑受詬辱爲君參轉語官瘠民乃沃

上長溪嶺

磴道盤空上如螺作髻旋峯殘去年雪客試早春天怪鳥  
深蹲箚寒梅遠見煙勿嫌太孤寂琴筑落層巔

古意

秋風颯然來高閣枕遙想美人在何許顏色難仿像攬衣  
起徘徊蟲聲雜松響棲禽靜不翻殘月寒初上壞壁挂枯  
桐不爲無人賞

張廷濟字叔未嘉興人嘉慶戊午舉人有桂馨堂集

詩話叔未以第一人舉於鄉道光丙午次子慶榮稚  
春又以第一人舉於鄉是歲叔未正八十集中有慶  
榮領浙解答友戚投贈之作詩曰喬野憇愚有底長  
又傳領解站名場陳陳久愧薪遐積瑣瑣翻同牝就  
揚訪舊愛扶筇竹杖饒秋莫負菊華觴鄰家稻熟真  
堪喜到處都炊新米香棟鄂端節瑞元當守嘉興與  
叔未相契爲作詩集序有云家世元鑑比之林長樂  
父子繼其後者惟江右聶氏父明景同治庚午子謙

吉光緒戊子亦先後領解同為科名佳話叔未詩多  
題詠金石書畫古藻新聲與覃溪伯仲所藏圖籍文  
具物各為詩編為清  
儀閣雜詠附集以行

立春日自嘉興之長興謁邢仝山師

鵬郎唱榜郭門西三度衝寒到簪谿萬木風高帆景疾五  
湖天闊凍雲低南園客病添新緒近聞同門小東閣恩深  
戀舊蹊又是恩恩逢卒歲河橋落日亂鴉啼

建文二年湖州府銅權

紀元兩字未全湮遜國今看第二權去年翁宜泉以建文元年權見示到

底建文元不改誰稱洪武卅三年建文二年革除時為洪武三十三年

塵劫滄桑一夢如難從程程濟從史洪武三十三問遺書頑銅

真解興亡恨留與人間話革除

紀定家田籍入官均糧一詔例從寬應知當日持權者不

獨湖民淚不乾

明太祖籍富民田入官如湖州則入紀定家田準租起稅建文二年春正月均江浙

賦田

### 唐高福墓誌

開元片石縝於玉高將軍父曰延福延福名福史不傳或以字行故不錄高氏五望渤海一力士馮出非其族李干里上金剛同給事左右坐累逐君養爲子姓冒高父以子貴君何惡先天中誅岑蕭竇功拜監門朱紫服員外置遷中大夫終始哀榮禮以篤力士階封渤海公來廷坊襄興祠屋一扣鍾禮十萬錢五磴日僦三百斛事付林甫天心回轡失輔國逆膽縮貪癡可罪忠可褒贈官不枉揚州督君卒開元全盛時丹旄風飛原白鹿倉皇不從蜀道難悲酸免共巫州哭學士撰碑書者誰院體精妍共結束懷仁

集書頽久頽今見山陰眞面目一自石載三吳船秦關碑  
肆鐫還覆筆畫疲茶神已非非特界文遺罫局佳刻若此  
世所稀書家曰使千毫禿曩是笑說咸陽農柱礎幾何遭  
斫關中金石記此石向在咸陽農家欲爲柱礎者數  
矣開元十二年甲子至今已亥一千一百十七年

隋美人董氏墓誌銘

楊花落盡隋宮樹幽珉猶記美人墓雄龍雌鳳歡幾何一  
十九年等閒度裁文和淚秀庶人花臺非復當時春金甌  
玉魚世已出傳紅寫翠人空陳阿廢然豆太煎迫帝子游  
魂歸不得古時塵滿鴛鴦茵地下相逢淚亦滴祇今龍首  
草離離三尺碑留董氏姬莫歎容華易銷歇獨孤免罵阿  
雲兒

漢陽葉東卿

志說

以所得周遂啟謨鼎送置金山書

來屬詩

平安館中周鼎獲十有三年唯正月宣王中興揮天戈功

成玃狁旣薄伐錫貝作彝遂啟謨吉甫將毋同用戊

或用戊

用無專之鼎焦山尊此前三年應曰伯

甘泉羅茗香土琳以三分周術又證

以漢三統術推得無專鼎九月旣望甲戌爲周宣王十六年九月之十七日

漢陽耆古古成癖

集錄直過歐陽劇不私所有藏之山此意尤於人超越金

山眈眈雄淮南不比焦山人絕迹莫山只欠姬周金數典

未免此典闕我閱年華幾千百劉蹶羸顛駒一隙何惜爲

君更行役秦嶺吳山誰主客勞君刻畫寵君文曰勳曰多

等竹帛玉帶今作忘年交君與眉山已聯璧江濤滾滾水

天碧德雲臺高此安宅期君他日潯江來不數山樵一片

石



岳祠銅爵

官家不要復提封  
翻礙精忠報九重  
長腳死貪刑白馬  
雄心生負飲黃龍  
顙天北闕書千字  
酹地西湖酒一鍾  
移薦金陀祠廟肅  
靈旗風雨颯三冬

陳鱣字仲魚又字簡莊海甯人嘉慶戊午舉人有簡莊詩草

詩話簡莊治說文兼通六藝嗜藏書宋元精刻及近世罕見善本以石印手鐫小象鈐其上著作甚富未刻者尙多說文正義竭十餘年心力而成未得傳世尤可惜也

槎客先生招同人集湖舫卽事

閒攜尊酒上輕舟  
幽意何堪共狎鷗  
四海交情猶有客  
重湖煙景正宜秋  
山分黃葉歸吟卷  
水漾紅霞入畫樓  
好與風光流賞徧  
人間何必更丹邱

自題續唐書後

唐祚延年六十餘舊名五代儘刪除河東自可共和比江  
左還應季漢如不羨子京添半臂漫教無黨注新書快哉  
此日翻成案多少清流怨氣舒

蔣湘城字于蕃湘鄉人嘉慶戊午舉人

讀史

不覺風塵歲月侵野田春樹浩成林羣兒豈解東門嘯夜  
火俄驚大澤深鄭鹿知亡惟走險魯鴉來集爲懷音漢廷  
長吏如龔遂郡國何勞繡斧臨

項王

江東亦是龍興地一跌歸來霸業荒虛遣郎中留戲下豈  
知王氣在咸陽孤軍不令收全楚衣繡何曾到故鄉地下

月旦集言四卷一百一十三  
英雄應一笑偶然成敗詎天亡

龔受穀字謙山閩縣人嘉慶戊午舉人有壺山書屋詩略

歲暮懷楊二子山

遠水難浮濟上舸燕雲遙隔暮山高淒涼少日同秦贅牢落吟懷入楚騷薄祿未成咳養志孱軀敢怨簡書勞茂陵病客君知否霜雪低催鬢二毛

漆璘字仲琛又字龍淵號東樵番禺人嘉慶戊午舉人有思古堂詩鈔

金陵懷古

江水滔滔去不歸後庭花謝美人非多情只有臺城柳猶自東風作絮飛

漱玉園雨中雜詠

濛濛夕照養愁天古鼎焚香靜撫絃欲繪春光圖一幅桃花宜雨柳宜煙

顧廷綸字鳳書一字鄭鄉會稽人嘉慶戊午優貢官武康訓導有玉笥山房叟集

兀坐

兀坐渾無賴秋心何處同無端萬楊柳都在月明中

眞子飛霜鏡引

寒玉貼波瘦蛟起匣裏芙蓉化秋水團團桂樹明光宮中有一人號眞子手理冰絃彈紫皇十指拂拂飛青霜琅玕辟穢山骨立銅盤露滴天蒼涼蜀桐高張鳳皇叫小者配簾大者踞銀蟾顧兔燦夜光純鉤幻出形模肖蓬萊清淺

印方池青女妝成那許窺  
瑋瑋細環金屈戌鵲雞新  
和玉參差今人事事不如古  
此物料應歸典午六朝金粉  
盡凋零尺半菱花耀銀浦  
香霧清暉繞翠鬟繡匳隱約  
畫春山閒將曲裏琴三弄鑄  
出天心月一彎蒹葭白露秋  
容靜徹骨寒芒神獨冷能事  
由來數戴逵清談未必輸元  
穎一曲新聲譜水仙知音海上  
記成連玉臺近有徐陵詠莫  
忘山陰訪戴船

梅菴宮保遣戍吉林相邀偕往感賦

正作讎書計翻爲出塞行  
傷心辭北闕揮手竟東征  
顛越雙江道淒涼五國城  
丈夫重然諾不肯負平生

吳榮光字伯榮號荷屋南海人嘉慶己未進士歷官湖南巡撫降福建布政使有石雲山人集

詩話荷屋爲嶺南名碩於金石書畫鑒別最精其詩  
紀事述情不規規摹仿前人潘文恭序其集云風雅  
一律忠孝備於人倫經濟萬言  
憂樂先於天下足見其大概矣

阮芸臺司農師命作鐵笛歌

仙風泠泠吹八關古調入破秋月彎何來風泉流淙潺蒼  
龍垂天虹挂山我欲撫之紛嫋嫋颯然元霜生指間此笛  
不取終南竹總硿隤墜材碌碌此笛不入季長賦氣出精  
列節齊赴恐是西池九層室雲璈琳琅中之一請看百煉  
古純鋼瓜綠萍青豈凡質雍狐山頭夜氣冲百靈奉炭鬼  
扇風鑄成不獨得金氣請看商角徵羽宛轉相爲宮小聲  
遠引何淒切孤臣苦心六月雪忽而激烈大聲起俠士壯  
懷歌易水忽而和緩聲安翔萋萋萃萃集鳳皇前無邱仲  
後郭張咸陽玉琯長已矣梅花空說飄含章我聞劉兼道

穿雲裂石山中老又聞孫守榮能以音律推五行夜游張  
元亦豪士一吹盡使羣盜驚一吹盡使羣盜驚眾音啾啾  
不敢鳴滌蕩邪穢天寢清時川楚將次告捷

送陳恭甫編修

壽祺

歸省後游粵

日夜大江流江聲欲暮秋思親同遠道之子獨歸舟雨色  
寒侵袂笳聲晚倚樓白雲五千里不敢苦相留

聞君計游粵北望卽長安明月一相憶西風何處寒詩心  
黃葉路客夢白蘋灘倘過梅花嶺南枝寄驛官

偕鄧嶰筠太守

廷楨

移唐馮尙書碑至碑洞作

碑爲柳誠

懸書

何人始變山陰池巖巖魯郡初哉基再變卽爲元和腳石  
版照耀光四夷我來西京游太學端甫塔石名空垂此外

尚有僅存者魏公苻公崔太師俗工磨洗日以遠如形附  
影神先離明倫堂外秋霽霽幾家垣壁相傾敝有光熊熊  
自東起衡門之右牆之厓刮苔剔蘚漸見字東川節度尙  
書碑晉陽文字河東楷健筆一掃何淋漓萬年縣郭開元  
土幾經轉徙依人籬童也敲火牛礪角豬以爲圈雞同埒  
急走京兆長揖告豈哀其窮運轉之東風吹春泮水湄墨  
香歛灑韶光遲是日釋菜習禮竟導我碑林觀所移樂毅  
豈復置屏腳蘭亭畢竟歸漕司摩挲拂拭愼撫拓墨卿楮  
客紛吁嘻雨洗斜陽照愈炯寒霜太白芒尤奇取以吾家  
舊本較神采鋒穎爭毫絲想當礪石下筆時心正筆正凝  
神思紫絲一鞞孰寄遠赤箭五兩能扶衰昔也何晦今何  
顯遙遙千載風鐙馳說置左右舉版築奚當富貴歌屢屢



四座有客爭好事隨喜贊歎無浮詞僉曰太守力所及請  
爲退老開涕洟孫退谷云此碑幾成沒字捫之幼安之石  
舊有例三日不去吾非癡吁嗟從此轍則滿空齋萬手喧  
甌鍾甘泉先竭木先伐人物互盜非吾欺鴻飛已冥弋何  
篡雞其自憚爲人犧敬語太守三歎息德我罪我烏乎知  
但取萬本足祕笈歸來虹氣夜夜沖門楣

斑竹岡

在荊門州

綠雲遙遙對蒼梧湘妃夜嘯煙一隅山鬼環瞰羣靈趨此  
土無情送瀉虞此土有情生綵笈飛珠灑屑斑模糊點倍  
萬點株萬株哀怨未絕年年蘇天荒地老淚不枯夜月照  
以姮娥孤楚山楚水空踟躕西望春風亦長吁杜鵑之血  
來夔巫

豐城夜泊

莫邪雙影妻

去

干將說劍人來問水方牛斗在天干氣象  
風雷殷地一蒼茫中宵或有蛟鼉躡上界應隨日月光煙  
樹萬家波似鏡知君芒角早收藏

小姑山

朝風乍涼水波急大姑南坐小姑立潯陽九派天低徊彭  
澤一峯露厭浥靈旗斜颺有層臺高臺不瞰無平隰迴舟  
欲泊輒引去亦知解珮嗟何及

登釣龍臺

紛紛逐鹿中原走東家別驢西烹狗白蛇已死赤蛇飛海  
濱容爾屠龍手秦楚之際匝月間潮聲山色一竿閒風雲  
夜護英雄氣組練朝明水石灣李冊審知劉冊丑千年此

地數杯酒新市隄荒秋燕歸流觴亭廢寒螿守到今蒼莽  
尙高原臺耶人耶誰並存萬家煙雨雙魚嶼九海梯航五  
虎門我告明禪來郊甸如此太平經幾見海天寥泐付詩  
人坐對羣峯青四面

嘉桂嶺雙瀑

磬确迸火驕陽昃秋風吹蒼懦無力危磴巉巖我獨來四  
圍琴箏天改色半天忽下雙龍翔西與暴鬚爭炎涼老蛟  
攀鱗蟒接鬣各向左右相分張神仙元女左右颺長江大  
河南北條瀑布一欲溯而上淩九霄飛霜濺雪不可竟到  
我衣褶虛刁調淒寒幾日入山骨秋氣爲爾深且窅遠憶  
匡廬漱玉亭老樹留人看潭月嶺樹皆爲樵子所伐無一存者

望飛雲頂

人間看似飛雲頂誰識雲從頂下飛萬水萬山通指顧一  
重一掩見依微陰陽翕闢天雙闕日月光明地九圍徑欲  
乘風凌絕巘葛仙招手抱雲歸

錢寶甫原名昌齡字子壽號恬齋秀水人嘉慶己未進  
士改庶吉士授編修歷官雲南布政使

詩話恬齋爲籀石侍郎孫百泉編修子仍世詞曹  
清德照耀數歷中外聲施爛然詩畫皆有家法

### 題寒香小築圖

昭代詩人盛梅里清門文采百年來六峯樓閣舊相望三  
李祠堂今又開老樹屈蟠忘歲月新枝低亞插莓苔何時  
畫裏尋幽勝挹得寒泉薦一杯

宋其沅字湘颿號玉溪一號芷洲汾陽人嘉慶己未進  
士歷官浙江布政使有梅花書屋詩集

題韓芸舫中丞龍湫宴坐圖

萬緣參天下無路高山深谷相盤互雲端百丈瀉飛濤雪浪滔滔歎溼霧樹根石畔坐者誰飄然具有神仙姿獨對澄潭空念慮相看嵐翠上鬚眉旁人謂公眞靜者公言此是偶然也繡谷當初蒞越甌井蛙水面正噓漚頻歲乘風飛戰艦幾回破浪得安流兵銷復遇哀鴻集朝暮嗷嗷待綏輯馳驅無復片時閒縱遇名山何暇入雁宕龍湫山水清適逢其會一來行小憩略諸泉石趣始驚奇絕冠平生我聞此言歎且敬知公勤務由天性皖藩開府黔中迎滇海重移閩海慶黃山雲海洞飛雲點蒼山雪白紛紛九曲爭傳武夷勝公皆置之如不聞獨爲龍湫作圖畫興之所寄成佳話卽今新賦歸來辭政之所被繫人思可知宴坐

眞偶爾謝公游屐空航奇先憂後樂希文志以勞得逸逸  
斯遂吾誰與歸望斯人展卷超然悟公意白雲遮斷樹傍  
山雲自流空山自閑縱然寄跡煙霞外心在觚棱魏闕間  
題歸雲菴孫太初詩卷卽用原韻

道場山前獨鶴飛山人山畔扃巖扉南屏十里昔喜占菖  
蒲九花今恐稀孤墳應遣鬼神護遺墨長共林泉依桐帽  
棕鞵不可見白雲一片時來歸

花杰字曉亭貴筑人嘉慶己未進士改庶吉士授主事  
復授編修歷官江西布政使有寶研齋詩鈔

### 泊臨淮關

今夜淮關宿開窗接杳冥水光爭月白山影上樓青鐙火  
人家小魚蝦野市腥濠梁千古意仙夢記曾經

古寺

驛程經古寺小憩趁斜曛鳥去下黃葉客來多白雲梵聲催月上樵影隔溪分燒芋燃僧火塵勞愧此君

春日登黔靈山

撥雲攀磴踐莓苔小憩孤亭四望開白鹿竟隨僧老去青山依舊我歸來泉流仍繞千層塔春到新添幾樹梅到此風塵機已息置身高處卽蓬萊

寒雀野梅圖

峻嶒白石樹槎枒彷彿江村竹外斜雪冷山空無夢到兩三寒雀兩三花

方應綸字絳書號雪浦巴陵人嘉慶己未進士歷官浙江鹽運使有憩園詩藁

詩話雪浦仍世貴纖蕭然如寒素初典粵鹺以憂去官復起典浙鹺處膏不潤時論稱之

畏吾村謁李文正公祠

耆耆摧將盡貂璫煽未休  
委蛇銷熾燄持重護清流  
詩格開何李忠謀補謝劉  
靈祠香一瓣惆悵暮雲秋

春游

策杖尋春路轉賒  
青山缺處見人家  
茅亭盡日柔風暖  
開徧紅欄木筆花

蔡鑾揚字浣霞桐鄉人嘉慶己未進士歷官福建延建邵道有證嚮齋詩集

詩話浣霞早慧受知於阮文達生平無他好惟於詩抗心希古通籍後由禮曹出守延平於署中大觀樓集文士及其子鴻恩鴻憲爲詩社與海內勝流詩簡往還無異官京師時主持風雅郡人紀之

重游龍泉寺感懷寄周筇雲秦中



陂陁四五里直西聞寺鐘入門波濤聲松栝皆天風廊廡  
晝深黑神鬼虛無中不覺衣裳寒如游星斗宮老僧昔持  
鉢潭上制毒龍至今雷雨交鱗甲疑在空故人讀書舍徑  
沒蓬蒿叢祇餘溼薪竈時見夜火紅地廢猶結賞事往難  
追蹤仰屋發長歎夢繞東陵東

建溪行館

平蘭落九峯高館曠西矚鳥道挂殘雲人煙散疎木浮嵐  
藹餘景明波蕩空綠隔水問漁家武林深幾曲  
滄洲飛雨來潭光忽凌亂瀨口人獨歸石門鳥初散沆寥  
空在賞川涂已屢換明發趁晨風直度黃泥岸

放歌行贈陸費春帆至自天津

陸生好文恥章句臺省薦賢曾不遇篋中惟有夏侯經坐

上虛傳左徒賦裹糧三月未解貧縱酒千場已非故鄴下  
才人那可攀杜陵男子誰相顧壯髮蹉跎二十餘吹簫擊  
筑過荒閭空歌白馬邊頭曲但讀黃牛道上書東堂揖君  
手重把三市招邀日游冶黃紙多聞召侍中皂囊不得干  
門下接離半倒且爲歡琅玕一編聊自寫五陵年少輕笑  
嗤窮巷回車徒爾爲始知齊魯諸生賤不及幽并游俠兒

聽雪

殘竹和煙凍未消夢回池館夜蕭蕭卻疑身倚烏篷立重  
過江南舊板橋

酒罷

酒罷客初卧蕭蕭風葉稀星河天外落鐙火雨中微老樹  
暗相失溼螢寒不飛門庭最清寂如息漢陰機

過嘉興有感

長水長連釣石磯廿年前事尙依稀青楊舊舍無人過白  
苧新塘有雁飛離笛不堪愁裏聽扁舟翻似夢中歸月波  
樓上邀同醉只惜江東故舊非

廬江道中晚行

高城迢遞暝煙收廬阜周遭翠欲流孔雀南飛兒女恨大  
江東去古今愁疎鐘雲度松陰晚遠牧風迴榭葉秋何處  
月明村笛起此行不爲聽吳謳

宋湘字煥襄號芷灣嘉應人嘉慶己未進士歷官湖北  
督糧道有紅杏山房詩鈔

詩話芷灣襟抱豪邁才氣倜儻自言性不耐起草登  
臨倡和清酒三升振筆揮掃他日聞之傳誦多不知  
爲己作也與張南山莫逆嘗謂之曰一唱三歎入  
人心脾我不如子哀樂無端飛行絕跡子不如我

查大理涪家藏謝文節橋亭卜卦硯屬余爲詩

摩挲贗墨玉庚庚想見夷齊萬古情國旣無人焉問卜臣  
猶有母此埋名從容豈愧文丞相流落曾聞玉帶生同是  
山頭一方石人歌人哭至今并

南西門外游春卽事

好雨連番春已歸柳梢深淺綠成圍踏青天氣晴三日賣  
酒人家水半扉草色盡迷公子馬花香都上美人衣由他  
沙暝鴛鴦睡莫打蘆芽惱鴨飛

城南明氏莊納涼適余手持摺疊扇爲吳蘭雪自書  
萋香軒雨集之作遂用其韻

萬事莫如游約急曉露霑袍草香溼三分池館七山林下  
馬徑須花裏入花梢高掛青油笠

不雨不日林風涼城外晝比城中長況是花壁青竹牆酒  
邊安得生夕陽西山勸客飛千觴

五十老翁醉露頂白髮滿頭媚花影此心忽落江湖艇江  
湖艇子風蕭蕭秋在蒹葭尖上招

舟泊岳陽郭外

楚山千里來江上秋色三分入洞庭初夜星辰黏渚白落  
帆天地撲船青客心無寄吟山鬼舟路多閒檢水經明日  
移橈向何處岳陽城郭樹冥冥

魚梁江

一名響琴峽

羣山莽回互眾水爭一門橫以巨石梁噴薄若雷奔匪作  
重安江一夫當關尊黔疆古靡莫地險何盤盤何人名響  
琴萬馬空山聞巨魑閼白日孤鶻翻寒雲草木緊精爽蕭

蕭如有人橋頭車馬客衣袂堆黃塵照影自歎息百慮刪  
紛紜解悟成與虧何處無昭文

題昆明池大觀樓壁

空翠波光入酒杯天風環珮亦仙才杜陵眼老旌旗失蠻  
微雲深關塞開萬里星辰依北極百年草木上春臺君看  
一帶山河影浩蕩蓬壺月照來

是夕上元

漫題

種菜英雄老游山婚嫁遲仙名留飲酒官職折吟詩肝膽  
今誰照年華有鏡知飛鴻杳天際獨立看雲時

何南鈺字相文博羅人嘉慶己未進士歷官雲南臨安  
知府署迤東道有燕滇雪跡集

丙子余攝迤東監司時連雨兼旬將傷秋稻七月八

日詣城隍廟求晴用東坡卜山龍洞禱晴韻

尋陽地窪湫民廬如井蛙况復淫雨漲魚鼈居其家城市  
半行潦山瀑奔谿衿哀哉田中稻夜霖傷胎花父老籲訴  
我乞電收金蛇我來叩神廟雨腳仍隨車簷滴作冰筋黑  
雲堆墨鴉吾誠豈足感惠我民師嘉潭龍洞且睡羲馭鞭  
其撾願借扶桑暎照此恆河沙秋成祝報賽豈但操豚豕  
歸來坐待命不敢道放衙

劉台斗字建臨號星槎寶應人嘉慶己未進士歷官瑞  
州銅鼓營同知有星槎游草

郡城送諸兄弟北歸昔年此日別汪容甫處

一片離人月年年此渡頭秋風吹過客落葉上行舟別夢  
憐今夕歧途感舊游寒江鳴咽水不向故鄉流

宿遷道中

江南煙色遠淒迷徐泗春山黛色齊一夜東風芳草綠千  
家淮水夕陽低疲驢破帽三年客茅屋昏鐙五夜雞誰識  
同時舊年少退朝飛蓋赤城西

張澍字時霖一字伯淪號介侯又號介白武威人嘉慶  
己未進士官永新知縣有養素堂詩集

詩話介侯文章鉅麗爲時所稱阮文達以爲南方學者未能或先也其詩凌紙勃發不拘格律故恆有音均失調之處而光氣固不可掩

相見坡

上坡面在山下坡山在面相見令人愁不如不相見昔誦  
吳江施武詩令我胸顛心滋疑今年奉檄羅施國陟坡正  
值芳春時春雨霏霏泥滑滑興夫邪許肩易疲一步一顧



上高嶺遙遙樹杪人團影須臾不見循幽吭呼聲宛如在  
深井斜挂瀑布巖垂簾亂綴雜花野照張批頰側翼桂之  
樹清猿舒嘯河之麋黃犢哀鳴鷓鴣叫下與四望風颭颭  
葛藤鉤衣足欲蹶拍手嘻笑來熨兒椎頭鐻耳語警警似  
說前面石路高我曾攀縋上仙掌渺此九牛之一毛裊攜  
白雲空眼界碧雞金馬嗤王褒下視行人相勞苦肩瘡蹠  
血多商賈青箬裹得夔州鹽花苗臂插藥煮弩颯颯楓林  
吼號虎山王祠前煙一縷

憂旱詞

赤日隆隆煎下土原田龜拆壘尺五嗟我黍禾然焦炷農  
夫坐視淚如縷肥蠟矯天旱毋舞未見望舒離金虎捉來  
蜥蜴甕底苦咒他雲興濃霧吐小兒持枝羣擊鼓願將肥

豕祀田祖涔涔數點甘露乳驕陽猶自披雲覩嗟我農人  
饑無舖何暇綢繆破牖戶安得力牧千鈞弩射殺應龍飛  
靈雨

陳斌字陶林號白雲德清人嘉慶己未進士官青陽知  
縣有白雲詩集

詩話白雲自書集後云無備體無艷體無次韻疊韻  
諸體又無雋格無美詞於古無倣效其於人無泛頌  
無廣酬詩家之長概其所少其自述如是秦小峴亦  
稱其師經探道詞約而理賅非世之專事雕繪者蓋  
學人之言特未免  
落前人畦町耳

三割股

初割股爲阿母阿耶早去惟阿母長壽母曰嗟三年疾久  
他無長兄小弟有良藥焉求良巫焉走母視女心女視母  
口耶來掩母口母勿嘔

再割股爲老姑老姑蘇蘇顧婦呼兒疾婦往扶無兒無吾  
思兒當反哺兒負蓐婦當代兒反哺姑血枯婦肉痛婦無  
阿母惟吾姑

三割股爲夫苦負疾如邱山妾無疾心腐天乎不可墮姑  
何撫嬌兒何怙妾不苦三割股天乎不可墮

示僕人鄒莖

聖人教無類僕隸猶子弟況爾秉性良識字念恩禮薪汲  
重趼爲溷漏昏暮理暇屏几牖前窺書色私喜勸此窮山  
中寒鐙同茹薺嗟吾故腐儒力薄人無倚柴桑給子力情  
摯詞亦忤少陵課其奴伐木歌愷悌何德酬爾勤相視惟  
一體

無田失恆業使爾食傭賤不傷寒餒偏但令肌骨鍊富室

多肥兒有時腹無覓食客滿朱門轉眄堂無燕怠事及天  
殃報施隨左券高宦非吾心榮華息爾願依人事事難豈  
若歸耕便吾家東舍村田園荒已徧約爾扶犁鋤竭力供  
租佃

司馬公南屏石壁大字歌

大儒一代之元氣充塞天地流傳尊溫公何人肯阿世八  
十日相空經綸我爲太息觀遺文熙豐以後百六厄見籌  
邊腹都無策蔡章繼相何爲乎禮樂湮淪王路塞戔戔十  
丈黨人碑岌岌江山遺半壁百年魚腹盡君臣舊相荒涼  
一片石悲哉山石故臨安秋風秋草白日寒語重九鼎字  
宏壁疆禹力負蛟螭蟠金符鐵券今何有剩水殘山爭不  
朽捫天巨手劈荒厓淋漓元氣神靈守

贈宋小茗

咸熙

今日五經笥君儕邊孝先一鑪浮鳥篆半壁倚龍泉豈識  
干當世無心養盛年相知且閒在攜手看青天

憶舊

顧影方徘徊何如適交親交親望衡宇不嫌時過存入門  
果無恙童僕交相溫握手重欲訴迫切翻遷延時時心中  
思不能口中言  
相視生歡顏接席歌且謠繾綣亦不厭未覺長日銷忽已  
鐙燭張侍者顧寂寥皎月入照膝月移天爲高轉輾君子  
心良夜多飢勞

安坐且勿行良會不可輕促瑟彈餘曲種種陳故情謂余  
忖度之勿爲悲平生白石見水齋北風見高城明月三五

缺又見三五盈

沈士煌字階三號秋瀛天津人嘉慶己未進士官上杭知縣有閩海詩存

過七里灘

上有高山下深谷中起一灘浪如屋欲問此灘是何名舟人搖手顏鰲舫舉頭仰視天無光舟底石聲如轉轂一綫長繩天外牽榜人力盡巉巖騰空作勢似飛揉走險狂奔儼驚鹿巖上舟中兩叫號半似人聲半鬼哭力爭駭浪過灘來共慶重生免魚腹吁嗟我生命在天胡爲日與憂患逐一棹蓴鱸未必非老守鄉園那知福

莫與傳字猶人一字壽民獨山人嘉慶己未進士改庶吉士授鹽源知縣改遵義教授有貞定先生遺集

曾滌生曰君先世居上元入翰林爲紀文達公及洪  
編修亮吉所器異嘉慶四年仁宗親政大興朱文  
正儀徵阮文達以鉅儒爲會試總裁是科進士如姚  
文田秋農王引之伯申張惠言舉聞郝懿行蘭皋皆  
以樸學播聞中外科目得人可云極盛君於是時寂  
寂無所知名及出而爲吏恩信行於異域退而教授  
儒術興於偏陬校其所爲未易遽定也  
生之炳炳者孰爲多寡未易遽定也  
詩話壽民學有根柢以立身爲本窮經爲要黔士知  
有漢學自壽民始其子友芝門人鄭珍珍子知同遂  
以考據訓詁之學成書數十種出與海內通人碩學  
相頡頏皆壽民提倡之力年七十九卒門人私謚貞  
生定先

壽人

洞關懸崖間崖腰得一幾平可門蘿往浴呼二

磴

崖石室穹然可坐十許人室奧有泉甘冽宜茶

左

右各小石室可側入左室有牖通明右室稍闊

並

鐘乳四垂玉潔可愛有溪經其下偶攜鄰叟子

弟

出遊得之因請余名焉亦並以其下偶攜鄰叟子

河

上流出州北二十餘里彭北山麓北流經苗

泥

翁奇等砦又北經此又北經栗砦東又北經吳

家

司西又經都勻縣界之黃梁堡又北經良畝塘

又

經谷里砦乃至麥冲塘並圖經所不詳下流經

平州司以  
入廣西

危崖夾曉日絕磴盤虛空豈意猿狖叢鬱此清闕宮天局  
何日開綴壁光瓏璫想見古仙人采玉鞭羣龍笙簧疊眾  
竅拜跪羅千峯山祇懼世網竟絕人踪通荒餘無名溪蹇  
有不死松吾黨二三子洗刷出翳蒙三碣扶茶鐺煎聲和  
天風作詩示來許與爾相無終

戊戌生日鄭子尹孝廉珍以詩見贈和答

老來不憶舊卿相獨記先輩之高風乾嘉之際盛人傑翹  
者未易遽數終鴻猷何啻冠當代餘緒亦足稱儒宗維南  
有洪北朱紀就中愛我推數公謂能負氣少屈曲稍學可  
作西南雄跳丸日月不相守七十有六衰病翁眼中騰蹕  
眾年少睥睨老物真酸窮廣文官卑不堪說敢復刺口汗



與隆獨惜沈泉負知己修名不立嗟微躬看君用志不齷齪  
意氣天矯盤虬龍閒來相過話疇昔我亦眉軒神鬱蓬  
紛紛餘子亦何有好共前哲爭先蹤旁人笑罵風過耳吾  
道與俗殊窮通老夫耄矣何所望兒多教簡常嬉冬阿羊  
懲愚頗自勵外慕縱少中未充取斯政賴君子國善事端  
如利器工君今謬許謂可教勿厭待問頻撞鐘

登獨山

山本先生窗案物登臨初與故人同長松浩浩通元氣傑  
閣蕭蕭倚烈風毋斂一隨剛水沒葛蠻空付長官雄祇今  
漢縣皆州府經緯才誰嗣尹公

羅世材字菊農隨州人嘉慶己未進士

洪山道中

大洪天半落空翠溼衣襟徑入箕簞谷溪迴楓樹林白雲  
停霽色黃葉抱秋心慈忍宗風在道場何處尋

晚晴簃詩匯卷一百十三終